

0102 PH B-I
MDCCLXXX 302--1

ADMODUM REVER. PATRIS
ALOYSII MAZZONI
S E N E N S I S

EX MINORI OBSERVANTUM FAMILIA

IN AMBROSIANA BASILICA A. MDCCXLIV.

ORATORIS EXIMII

De Beatitudine Animae Somnium

MARCELLO MALASPINAE

SENATORI AMPLISSIMO

EX MARCHIONIBUS PHILACTERIAE

JOSEPHUS TANZINI SACERDOS FLOR. A. A. P. A.

Candidum, ac devotum grati animi pignus
dedico, consecroque.



FLORENTIAE MDCCXLIV.

Ex Typographia BERNARDI PAPERINI sub Signo Palladis, & Herculis.

SUPERIORUM PERMISSU.



De Beatitudine Animae Somnium.



Uae nova, Mortales, se se mihi pompa triumph
 Explicat? illustrem quam cernimus astra petentem
 Sponsam concilio Superûm, thalamoque jugandam?
 Quis novus intonso fulgor de monte Taburno
 Exit, & in nostras diffundit gaudia mentes?

Ite procul scelerata cohors, absistite vulgus
 Ignarum, immundum: rerum pulcherrima visu
 Somnia Castaliis non umquam audita sub antris,
 Nec Vatum celebrata choris, aut cognita Phoebos
 Expediam. Vos, o Musae, genus ab Jove summo
 Adspirate mihi, sanctum genus, ardua grandi
 Assuetæ calcare gradu vestigia Musæ,
 Et facilem monstrate viam, qua nubila vincam,
 Oscula qua videam casta, & data præmia Sponsæ
 Victricis lacrymarum & culpæ & mortis & Orci,
 Omnigeno Sponsæ cumulatae munere Divum.

Tuque adeo celsi decus aetheris, optima Virgo,
 Cui caeleste tubis adsultat ovariantibus agmen,
 Divinique sacrae famulantur Apollinis aedes
 Annue, virgineam non lauro cincta caduca,
 Ast immortalis frontem redimita amarantho,
 O bona non solitis Regina adlabere coepris.

Occano surgens terras adasperferat omnes
 Aurora, & roseo stellas Oriente fugarat,
 Cum mihi caelestis recubanti Heliconis in umbra
 Extemplo, oh mirum! radiantis e sidere lapsum
 Adpareret Numen; divinum vertice odorem
 Spiravere comae; talis illudere palla
 Picta videbatur, tota & candore nivali
 Sparsa, sed in pulcro magis corpore pulchra nitebat;
 Ora coruscabant nimio flammantia sole
 De agmine bissereno terno comitante sodali.
 Adpareret ne, gregi sitienti ut porrigat ultro
 (Aiebam tacitus correptus imagine veri)
 Praegustanda suo vitae caelestia dona?
 Nec mora: delabi nubes mihi visa repente,
 Splendorum velut alma parens, & nuncia pacis,
 Candidaque, obvolvens Christum, aethereamque refundens
 Orbe suo lucem comitum pia corda trementum
 Irradiat, totumque illustrat lumine montem.
 Miratur factum insolitum, miratur & ignem
 Ire redire viam, & sociorum allambere vestes
 Divini haud patiens vultus, flammaeque coruscae
 Attonitus Petrus, tantisque ardoribus impar
 Corruit in faciem, ter sanctum Numen adorans;
 Hinc exoptanti similis, similisque paventi,
 Laetoque attollens rorantia lumina fletu,

Ecquis

Ecquis te Patrem, quis te neget, inquit, amantem,
Summe Deum, qui nos tanto dignaris honore,
Totque bonis cumulas animos caelestibus implens?
Vix ea fatus erat, rubra vibratus ab aethra
Cum sonitu fulgor micat, & polus intonat, & mons.

Interea, si gutta boni, fugitivaque tanti
Pars libata adeo rapit, allicit intima cordis,
Et beat, in terris vitae dum vescimur aura,
Quis me, quis frenet, ne contra concitus ira
Persequar insurgens caecos agitatus amores,
Heu male concepti, incusans, male perdiri amores
Quo vos praecipites agit error devius? ecquis
Fascinus exurit miseros? date vela retrorsum.
Spes male sanae hominum, quo pergitis? altera vobis
Corripienda via est, Caeli quae limina pandat:
Ignarae mentes! stultissima pectora? quare
Difficiles peragrarè vias, & corpore toto
Lassari, frangique per antra horrentia culpis,
Ut bona jejuna, arida, inania, flaccida, vento
Plenaprehendantur, quamvis fugientia, quamvis,
Ut cisterna imo male servans flumina fundo,
Ardorem nequeant humani extinguere cordis?
Talia, (vera loquor) Jonathae, bona terrea, qualis
Gutta favi gustata labro, fera funera portant.
Lethales succi! vestra dulcedine, amara
Fata propinastis juveni male cognita fido.
Non possessa animum excruciant, possessaque centum
Taedia parturiunt, odium, suspiria, curas
Spinosas in corde serunt, potandaque mortis
Abdita sub dulci praebent aconita liquore.
Ut qui prospectae correptus imagine formae,

Quae placet, obtutu meditatur, & haeret in uno;
 At si luminibus sese offerat altera pulcro
 Pulcior aspectu, nova surgens flamma medullis
 Ferver, & extincto pro prima ardore, secundae
 Majori sentit se se succendere motu,
 Plenoque immergens animam inflammatur amore.
 Ergo, quid hic segnes, torpenti pectore, prono
 Ad terram vultu defixi mente moramur?
 Et quoniam grato placuit pro pignore, Christo
 Leniter adflatos supero divinitus igne
 Irradiare suos flammaram adspergine pascens,
 Consilia in melius revocate,prehendere callem
 Gaudia anhelantes non deficientia, ab ipso
 Fonte salutifero quae lacti exhausta bibemus;
 Quo Paradisiaca semper recreabimur aura,
 Ver ubi perpetuum ridet, Sol splendet in aevum;
 Et fidei lucente face, & duce lampade amoris
 In spem tollamur vivam longinqua beati
 Prima salutantes tantisper limina Regni:
 Quod si, dum vigili meditamur mente supernum,
 Sanctum, augustum, unum, complectens omnia Numen,
 Laetitiae, tacito allapsu, perfundimur imbre,
 Fortunatus ero, cui somnia fida referre
 Contigit. At quis me subito rapit? unde medullis
 Non sine divini hauustu Numinis ignis anhelat?
 Sensimus acceptum ardorem; mea carmina, vires
 Sumite, per durum defudat semita callem.
 En adsum; accipio vestrum, o bona Numina, laetus
 Dulce sacrum; accipio flammam, nec fallere vestrum est
 Caelestes: mihi divino circa sidera plaudant
 Concentu, dum sacra cano, dum tanta revolve.

Jam

Jam mihi per liquidum cernuntur currere campum
 Felices animae laetum Paean canentes .
 Jam videor ferri in nubes, & praepete penna
 Ventorum evectam calcare vagantia, passuque
 Astra triumphali video conscendere Sponsam
 Millibus exuviis stipatam, mille tropaeis
 Gaudentem video & gaudens ego, quomodo magnus
 Viderat Albertus, video: de parte serena
 Jam proculcatos ridet jam despicit hostes
 Casibus erepta innumeris, defuncta labore,
 Carcere squalenti, & dura obsidione soluta,
 Non Orci imperio, non morti, aut subdita culpæ;
 At secura sui laqueo luctata protervo
 Aetheream redit illa viamque instaurat ad arcem,
 Strataque victricis sub planta singula cernens,
 Et formam, formaeque decus decori addita secum
 Tam pretiosa sui miratur pignora, & intus
 Percurrit dulci relegens laetissima visu:
 De se gaudet ovans superata pericula ridens:
 Se super. exultat dum Numinis ora tuetur:
 Exilit interius tot dotibus aucta, bonisque.
 Haec picti facies, mea sunt haec somnia Caeli,
 Quae pia non humili resonabit carmine Musa.
 Aut ego, quae referam vanus mihi cantat Apollo,
 Aut vos illececos pictura, & imagine nostra
 Vis aget impatiens percussos corda dolore
 Cum lacrymis, gemituque iterantes flebile murmur
 Quis mihi, quis nostro solvet de corpore nexus,
 Liber, ut in tuta requiescam Numinis ulna?
 Quot pelago fluctus, tot sunt discrimina, caedes,
 Prolapsusque, quibus dejecta a culmine lacto

Vita velut tantis involvitur acta procellis.
 Arma fremit mundus, fremit arma caro, excidiumque
 Heu crudele hostis minitatur uterque: nefandis
 Insequitur primus crucians, odiisque, doloque,
 Et capit insidiis agitans noctuque, diuque
 Totus in hoc, longum ut lacrymas extendat in aevum,
 Et dente invidiae adtritosis, fastuque superbo
 Pressos optaret velut ima in Tartara trudi:
 Hinc pugnat ratio, sensus flagrat inde rebeli
 Seditione furens; mentis pars unde superna
 Carnis ab opposito concussa subacta duello
 Exitium metuens tremit irreparabile mortis.
 Exclamare licet: pugnae undique, & undique pugnae,
 Intrusque exagitant repidantia corda pavores.
 At vos hinc (jubeo) simulacra o vana dolorum,
 Funestae laethi facies discedite, tristes
 Importunae umbrae, vestri teterrima imago est,
 Dum spectanda mihi se se offert obvia Sponsa
 Candida, collucens, vultu nitidissima, Divum
 Ordinibus referenda novis, Caeloque dicanda.
 Quam Sponso bene nixa suo petit aurea recta
 Urbis pacificae, vitae, lucisque corona
 Pro meritis cingenda suis, pretioque laborum?
 Majestate movet veluti nova filia Regis
 Nubivagos passus. Proh quantis affluit illa
 Deliciis undans! Et laeti quanta venustas
 Oris! amabilibus quam splendida gratia labris!
 Interea pergens auro purissima lucis
 Saucia dividuo designat nubila sulco,
 Attollensque oculos ad limina clara priusquam
 Auratum subeat solum laetissima sistit,

Sub

Sub pedibusque videt superata pericla, quibus tot
 Cingimur, & veluti caecis jactamur in undis.
 Fortunata novae sentit praenuncia signa
 Lactitiae, redeuntque animo quaecumque verendum
 Augustae Triados Numen vulgata per orbem
 Veridico immensum decreta tonaverat ore.
 Mors tibi, clamoresque, catenatique dolores,
 Aeternoque gement clausi sub carcere luctus.
 O vaga caelestis dilecta Sionis alumna
 Nunc bene habet; cessere metus, cessere pericla
 Extremam tibi perniciem, clademque minata:
 Atropos haud ultra insultat deducta triumpho
 Saeva tuo, sed vultum ulnis pudibunda recondens
 Dat gemitum, frustraquet doler captiva catenas.
 Libera odorifero fruiere, o pulcherrima, campo:
 Diffugere nives, nebulae, gelidaeque pruinae;
 Non regressuras lux abstulit una; serenum
 Sol retegens vultum tibi candidus explicat ignes.
 Mors eat, ostendat palmam, enumeretque trophaea
 Sanguineum promens telum, & calcaria, & arma,
 Te quibus, & sufferre sitim, sufferre famemque,
 Et modo triste gelu, modo taedia adegit, & aestus,
 Somnum, & pauperiem, & quaecumque incommoda secum
 Fert misera haec aetas. Aeterno foedere constans
 Tecum servavit pactum, fidissima, Numen;
 Aere & praecinctam triplici, triplicique vigore
 Roboreo sultam dedit Orci obtundere monstra,
 Incursumque necis caelestibus obruta telis
 Vincere, praecipitemque in Tartara mittere culpam:
 Et nunc aeternae donatam munere lucis
 In partemque suorum operum, regnique vocatam

Laeta triumphali excepit victoria curru,
Unde arctata rotis calcatur turba malorum,
Et pavor, & luctus protritaque Daemonis ora.

At si pro Coelo nil, quam mea Musa colore,
Quod tenui verborum ausit depingere, vestro
Subjiciens oculo, comprehendi debeat, ecquid?
Nonne foret tanti, coelesti ut flagret amore
Virgo, puer, populus, civis, plebs, dives, egenus,
Et quantum est ubi vis humanae gentis, & illud
Quod fortunatum genus heu! miserabile, quantum est
Terra hominum, sanumque vocat, quod debile, & aegrum est?
Ut qui post longos, jussu cogente, labores
Compede servitii tellure, marique solutus
Optatos patriae muros, ac tecta revisit
Emeritus civis, turba comitante suorum,
Corripitur subito motu, exultatque repente
Impos pene sui, dum lustrat singula, factus,
Nec sibi concredit, reputansque, ut somnia, sortem
Antiquae libertatis, stupet inscius, unde hoc?
Exclamans, ubi sum? sospes ne ego, sum ne ego liber?
Ergo animae illius regnum coeleste petentis,
Dum redit ad Sponsi thalamos, libandaque casta
Oscula, delicias, quis nam, quis gaudia fando
Explicit? & grandi referat tam grandia cantu?
Non mihi si centum linguae; totidemque canoro
Aere tubae fufum perflaret carmina pedus
Laudatos valeam plausus, animaeque triumphos,
Et pompas numerare, & virgineos hymenaeos.
Dum tamen haec recolo, volat illa per invia rerum
Auratasque domos, & gemmea tecta, viasque
Stelliferas, vitreosque altis cum moenibus amnes

Tran-

Transgrediens sancti conscendit culmina montis,
 Cunctaque perlustrans tacito loca lumine, Coeli
 Quidquid terrarum est propulsum gaudet ab oris:
 Non illic inferre pedem mens turbida tentat;
 Sollicitorum hominum longe commercia, quæstus
 Sulpicio, atque odium, rabiesque, & livor, & ira,
 Illecebraeque, jocique, & amor sceleratus habendi,
 Et caeca ambitio, fluxisque licentia verbis,
 Atque effrenato gradiens petulantia vultu,
 Improbaque ingluvies, titubansque incondita gressu
 Ebrietas, volucremque hebetans ignavia mentem
 Exulat aeternum. Solum sanctissima legum
 Foedera habent sedem; tutae, vigilesque domorum
 Et prima, & media, atque extrema cubilia servant
 Praedulces visu facies, cantusque, chorique,
 Festivi risus, castisque ardoribus urens
 Sanctus amor; claraque fides in veste refulgens,
 Et pietas admota manus ad pectora, candorque,
 Et pudor, & pax, & niveo concordia limbo,
 Et sancti mores, & laudum fulgidus ordo,
 Et secura quies, castissima quæque voluptas
 In numerum plaudunt choreas, & carmina dicunt
 Exosae curas per amoena suburbia laetae
 Discurrunt, totoque abigunt suspiria Coelo.

Illa autem anrevolans aequo pulcherrima cursu
 Alta petit, scinditque viam pernicipibus alis
 Nixa super, roseaque labans cervice recumbit
 Aeterni gremio Regis: gratantur eunti
 Sidera, & haec aliis, aliisque recursibus oras
 Luce intertexae certant allambere vestis,
 Alarumque sono circum, zephyrique, jocantesque

Obstrepitant aerae, dulcique iterata susurro
 Oscula furantur, choreisque per aera ludunt.
 Jamque propinquabat Caelo, & jam comminus urbis
 Aeternae muros, bipatentiaque atria spectans;
 Emicat extemplo, rapiturque in imagine tota
 Laetitiae; ardet amans, iterumque iterumque sub imo
 Pectore nascentis surgunt nova semina flammae,
 Quae modo prodierant, iterumque, iterumque resurgunt;
 Ac sitiente bibens animo nova gaudia, amore
 Elanguet perculsa novo, & fit dulciter impos.
 Huc vos, alipedes stellata in veste ministri
 Currite, & impulso portarum cardine, laeto
 Excipite amplexu venientem, ad moenia civem
 Vestra salutate, ac plausu celebrate faventes;
 Atque ita concordēs nostris adjungite voces.
 Ingredere, o felixque sub pede, Sponsa, secundo,
 Perque loca aeternum spatium empirea in aevum,
 Astrorum decus, & superae nova gloria gentis
 Nullo tacta metu, laethi secunda periculo,
 Infernique anguis morfu, culpaque veneno
 Sedes vise tuas, cape munera, cingere fertis,
 Cingere, quam dives tibi gloria texuit, & quam
 Stamine virtutes neverunt versicolore
 Veste micante auro, ac nitidis lucente smaragdīs.
 O de formoso grege virgine candida virgo,
 Advenit tempus, revoluta fidere, tempus
 Deposito luctu, deterisaeque lumina fletu,
 Gloriae ut orneris sollemni cyclade fulgens.
 Non ultra eveniet, gens ut polluta prophano
 Audeat immundo te sacram laedere tactu,
 Devotamque Deo, nec pertransiverit umquam

Te

Te incircumcisum genus; at fidissima custos
 Arridens lateri proludet candida turba
 Dives opum sanctorum, & felix ubere laeto
 Virtutum, ac dotum foecunda, & lumine plena,
 Plenaque amore sedens, factio velut agmine, cinget
 Juncta sodalitia dulci, firmataque pacis
 Foedere, corde pari, genio, parili ore, tuorum
 Virginea comitum semper vallata corona,
 Quam lex una, atque unus amor, concordia & una,
 Una fides nectet, pax conciliabit & una.
 Ac velut humano non est in corpore pars, quae
 Aemula, & alterutri noceat, sitque invida parti;
 Sic, quem gemmata excepere sedilia, civis
 Sorte sua semper laetus, semperque recepta
 Mercede, ac meritis aequo diademate foelix.
 Regnantes nec erit stimulus, qui concitet, aut vis
 Pungat, an hic folio, sceptrone potentior, an sit
 Ditiior hic palla, mage splendeat ille corona.
 Quomodo, quove potest fato id contingere, pleno,
 Liber, ut imperii princeps, si jure potitur,
 Et regni, & solii claro illustratur honore?
 Adde, quod & Numen, cum sit fons omnis amoris,
 Et vena, & vis, cum sit in omnibus omnia, & idem
 Efficit actutum, communi ut gloria in uno
 Intuitu quisque allapsu uberiore fruatur,
 Quae sibi partitur propria unicuique: perennis
 Nodus amicitiae, quam fortiter alligat, omnesque
 Intercurrit amans, se seque reciprocatur arcum
 Foedus non impar sacri dulcissimum amoris:
 Una eademque modis animi subit intima miris
 Alterius, simplex, eademque ad vota cupido;

Utque

Utque una inter se se, & utrinque alterna voluptas,
 Sic pax una, eademque quies pulcherrima habebit.
 O superi! ecquis erit motus, quae vivida castae
 Unda voluptatis, quae perfluet impete dulci
 Corda animae? quam sors adigens, vis, ardor, & aestus
 Suaviter impellet natos melioribus annis,
 Conditione, habitu insignes tractare, tueri
 Moribus illustres comites coelestibus omnes?
 Qualis in astrifero gens aurea regnat Olimpo,
 Quae soli conjuncta suo perlucida, summum
 Amplectens verum non ora, aut pectora mendax,
 Mentis contemplanis oculo immutabile Numen
 Aeterna, aeterno figens in Numine mentem
 Altior obrutu rapitur suspensa; licetque
 Hic nullius ope indigeat, tamen alter abundans
 Alterius de fonte bibens impletur, & alter
 Fertilitate satur fit nullo explebilis haustu
 Lactitiam attingens focii, qua prodigus undat.
 Dicite vos, animae, quibus haec data copia rerum,
 An sit deliciis mergi, quot sidera suescunt
 Et premere angelicae & per amoena vireta cohortes
 Ludere dum vitae jucunda oblivia potant?
 Dicite num valeat pro millibus unus amicis,
 Et minor, & minimus large non impleat, ac si
 Gens foret & pollens armis & foeta triumphis?
 Talis adest talem se fert capitolia ad alta
 Filia Coelituum Regis nubendaque Regi;
 Non jam compedibus naturae oppressa, gravique
 Subdita servitio turpi Rectoris Averni,
 At fera licet, & precibus, votisque vocata
 Est immortalis nunc libertate potita,

Qua

Qua fruitur dilecta Deo numerosa propago,
 Claraque prae multo meritum foenore, plenos
 Thesauros hominis, pretiosaque munera, dotes
 Possidet innocui, primam cui gratia lucem
 Aeternum mansura dedit bene grata petenti.
 Foelix, cui tot se venae explicuere bonorum,
 Aurea cui Superum patuit domus, aurea tempe!
 Ut modo subsultat donorum tuta, sui que!
 Tangere, quam culpa nequit implacabilis ardor,
 Quae indomitos hostes domuit jam nescia vinci
 Inconcussa, potens, & inexpugnabilis effert
 Se se, & sollemni increpitans sibi murmure plaudit.
 Victrix iò bellatrix iò, duce Numine tanto,
 Tanto & praesidio, virtute, & robore mecum
 Effugio insidias venantum, retia, fraudes,
 Haud aliter quam, quae stupis, viscoque retenta
 Ingemit crepta se libertate morari,
 Depremsum si forte pedem, atque exolvere nexus
 Contingat volucris, volat illa, sibi que secundo
 Dat plausum gyro, garrisque atque obstreperis alis
 Aucupis elusi insultans laetissima fraudi:
 Ejaculata truci convicia rideo lingua,
 Nocturnosque metus, volitantiaque arma per auras
 Hostili vibrata manu, atque asperrima verba,
 Incertas errore vias, inscitiae & umbras
 Abrumpo tristes, tenebrosa negocia, tetros
 Daemonis incursum medio sub sole misellas
 Incautorum hominum mentes vadentis, & arte
 Collinat ut vafra, tacito quique implicet hamo
 Saepius angelicam mentitur imagine lucem:
 Sibila vibrantem horrenda, & crudele tuentem

Infigo

Infigo innumeris stygium Pythona sagittis,
 Et passu portentificis infecta venenis
 Intrepido superincumbens tumidi aspidis ora
 Mille catenarum nexus, nodosque trahentis
 Excutiens compesco júbas, rabiemque leonis
 Victrici abripiens dextra, resupinaque calcans
 Cruda reluciantis frustra, caedemque minantis
 Effera tartarei pede protero colla draconis:
 Nec modus est palmae, nostri neque mera triumphî;
 Gratia ter Superum Regi: superata pericla,
 Attriti laquei mortis, fractaeque catenae;
 Ecce triumphatrix aeternum libera vivo
 Non qua vita, non qua libertate, sub umbra
 Sacrorum nemorum, atque horto spatiate virenti
 Prime fruebaris genitor: potis illa periclo,
 Vitaque succubuisse necis; sed nunc ego vita
 Immortalis ero; non me peccata valebunt
 Dejicere in mortis tenebras, fletusque cedere;
 Omnis enim infelix perit haec invisa potestas,
 Qua jus perfectum adstruitur, perfectaeque mentis
 Facultas: nunc me pietas, invictaeque virtus,
 Me aequum, & cana fides firmat, me roborat ardor
 Sanctus, non animi quae subdor motibus ultra,
 Ancilla aut Diris, foedaeque pedissequa culpae:
 Utque nec abruptum vitae invariabilis aevum
 Digero, meque aeterna ambit lux, gloria, sic me
 Optima, pura, proba, aeternum inconcussa voluntas
 Recta, immota, & ineluctabilis una manebit.

At vos unde solo nati quicumque timores,
 Quicumque & fletus istic remanete, pericla
 Et necis & culpae infesta; infortunia, casus

Vobi-

Vobiscumque doli maneant, fallacia, & astus,
 Garrulitas, vanus tumor, ignorantia, cordis
 Defectus, fontem & mordentia crimina mentem,
 Taediaque, ariditasque, & inania vota; relinquentem
 Omnia sub pedibus me gratia, me astra, Deusque
 Excipiunt: caro Sponsi subnixa lacerto
 Evchor, aetherias felix adsportor ad oras.
 O dulcis requies! statio o gratissima vitae!
 O tellus! o fida loci tutissima sedes!
 Quis me tam similem in terris nasci edocet? ecquis
 Huic par laetitiae fons manat, & unde perennis?
 Sed regere heu nequeunt sensus; deperdor, & omnis
 Vis cadit ingenii: puerum rege Sponsa canentem
 Me Christi rege Sponsa; oculo jam mentis acumen
 Deficiuntque humeris plumae: te nescio consors
 Quomodo pone sequar tanti regina triumphi,
 Dum propiora petis supremo tecta Tonanti,
 Secretosque aditus penetras, atque inrima lustras.
 Ut prolem amissam Isacides dolet, inde reperta
 Exilit, impatiensque morae procurrit, & ambas
 Injiciens collo palmas suspirat, & ora
 Humeclans lacrymis, patria dulcedine languens,
 Nate, o nate, inquit, mea maxima, nate, voluptas,
 Deliciumque meum reperi te, te quoque tandem
 Conspexi; nil curo, nec adpeto; me tua dulcis
 Solarur facies, meque allevat una dolentem,
 Quae caput, & modus est votorum haec unica nostri.
 En motus, en deliquia, en dulcedo, voluptasque
 Oprati ingreditur dum felicissima regni
 Arria, regalesque domos, arcanaque Regis
 Agmine Sponsa subit comitum stipata micantum,
Pul-

Pulsantum cytharas, ac laudes mille frementum.
 Intrat possessura Bonum, (mirabile dictu !)
 Quod toties quæsit amans, dum vita manebat,
 Quod toties metuit deperdere, conspicit; ah dum
 Conspicit undantem torrentem gaudii ab imo
 Corde resurgentem sentit, conversaque Soli
 Caeleste exhaurit divino lumen ab ore
 Solis, quo dulci gustans dulcissima motu
 Gaudia, flagrantisque ignes, & vulnera cordis
 Concepit, insuetum absorbens tota ebria amorem,
 Et prono ore petens pretiosi gurgitis undam
 Immortale merum potat, laterisque beatae
 Accumbens spondae pleno se proluit haustu:
 Praeterea Deus ille sua, qui luce refulget,
 Quique ope nullius solis splendentis eget; qui
 Caelestem irradians aulam vigor omnia complens
 Admirando animam praecingit lumine, ad usque
 Intima pervadit praesens, quo tacta repente
 Fortem, indictum, insuetum, in morem impulsa suavem
 Pascitur, attrahitur, recreatur, inaequatur, inque
 Lucis inaccessae immensam vibratur abyssum:
 Nec mora, nec requies: medio se projicit amne
 Vitae immortalis, trajectoque argine, tota
 Undantis largo torrentis volvitur alveo
 Laetitiae, ardorisque absorpta in gurgite vasto
 Deficit, obruitur, fluvii deperdita gyro;
 Summo & juncta Bono, Verum amplexata, superni
 Numinis exultat visu, oh quae visio! & oh quod
 Imperium! qui vitalis praeruptus aquae fons
 Se immiscere suo Dominoque Deoque natare!
 Huc & Aristoteles, huc pectora docta Catones;

Huc

Huc & Christigenae fulgentia lumina gentis,
 Praeful & Hipponae, sacrae Bethlemis & hospes,
 Tuque, novi radias qui lampade Solis, adeste
 Quot sunt, quotque Sophi, rerumque fuistis, & estis
 Caelestum gnari, Christique in Gymnade docti
 Dicite, menti hominum non est conforme, magisque
 Insitum, & ingenitum naturâ inquirere causas
 Rerum (non fallor) non est sapientia, non est
 Et virtutis amor, verique arrecta cupido?
 Postque tot ambages, post tot consumpta labores,
 Si mens, quam toties quaesiverat anxia, quacque
 Jampridem obscuro latitaverat abdita velo
 Notitiae attingat lucem, teneatque repertam,
 Quae tunc ingenio surgunt solatia nostro?
 At quae commemorans fingo? caelestia rebus
 Non hercle humanis fas est aequare, nec hujus
 Mundi deliciae referendae ad pabula Divum
 Illa anima accumbens quibus immortalia felix
 Vescitur, arcanumque inhians libare saporem
 Suspenso gustat suctu vada mystica; & ecce
 Almam naturae speciem communicat illi,
 Et quantum & quicquid pulcri divinus in alta
 Condit mente Pater jam non umbratile, at ipso
 Lumine splendidius: rerum adveniente feraci
 Cognitione pari adpersâ dulcedine blanda
 Admover inde labrum Genitoris humillima labro,
 Vitalemque auram divino efflantis ab ore
 Ore trahit, cujus corde eructatur ab imo
 Faecundo bona vox, latitantque in pectore Verbum
 Omnipotens Verbum. In voce hac nam quid videt unquam?
 Quid tenet hoc in Verbo anima? & videt, ac tenet unum
 Sim-

Simplex, verum unum, ac sine fine, & origine pulcrum
 Percipit, immensum, augustum, impenetrabile Trinum,
 Quo tot causarum, tot opum scaturigo perennis
 Profluit, & rerum, quo larga emanat abunde
 Cunctorum sapiens, pulcherrima, nobilis unda
 Optima, sancta, potens, dives, faecunda bonorum.
 Ipsum esse, ipsum unum, fontem sine fonte scatentem,
 Et videt esse Dei, esse quod est, videt esse, quod extra
 Se nihil est; & si quid, quod non ambiat orbis
 Usquam est, id nihil esse, nisi esse Dei, videt in se
 Uno cuncta videns, videat cum Numen, ut in se est;
 Non impressa velut species in lumine, non ut
 Adverso in speculo spectatur imago recepta
 Inspicit; at natura Dei conjungitur illi,
 Quae speciei obit officium a ratione profectae,
 Ut bene prospiciens noscat, noscensque fruatur,
 Ut Deus & semet noscit fruiturque videtque;
 Sicque unita Deo, haud potis est cognoscere mens, an
 Facta sit ipsa Deus, Deus an sit versus in illam.
 Ergo agite erectos ad sidera tollite vultus;
 Insertam superis spectate Sionida templis,
 Quae novitate rei jucundo percita ab oestro
 Dulcia pectoribus repetens prorumpit ab imis
 Dulci verba sono. O lux admirabilis! O Rex!
 Tota redundanti facies tibi plena lepore
 Stillat, ab ambrosio fragrantia vertice spirat,
 Gratiaque, & zephyris dulces halantibus aerae:
 O desiderii modus unice, & ultime nostri
 Te ne ego jam teneo post tot bene tuta labores,
 Postque tot elapsae superata incommoda vitae
 Te ne animi, pax, & requies, videoque, fruorque?

Nec

Nec citius video, flamma succensa potenti,
 Exprimo quam Seraphim similes in imagine vultus,
 Et modo sto, modo curro, ipsa irrequieta quiete;
 Te satior citra satiem, ad te fervida anhelō,
 Quoque magis te suspiro anxia, eo magis ipsa
 Te saturor, semper sitibunda, famelica semper.
 O Sponse! o ardor! plena o exultatio! voces
 Astra, Tribus, Populi, Linguae conjungite nostris;
 Sub pede stellantes quot dat mihi cernere gyros
 Tot Regi aeternas grates persolvite, laudis
 Concinite in numerum praeconia, plaudite dulci,
 Quo fruor, objecto, quo tanto naufraga perdor
 Facta velut felix scintilla a sole resorpta.

Sic memorat, fruiturque Deo, donisque receptis
 Laeta dato imperio, thalamoque, & divite regno
 Funditur in plausus, dulcique liquatur amore.
 Olli subridens hominum Pater, atque Deum Rex
 Inclinat vultum, tenereque ad pectora pressae
 Oscula delibat natae, ac blanditur amicis
 Vocibus incipiens. Oh quae de thuris odoro
 Vertice, de Libani circumundique olentibus umbris
 Pulcra venis, electa venis! quam candida, pura,
 Dulcis amica redis! requiesce, reside columba
 Immaculata sinu dormi, bellissima, dormi:
 O mea, luminibus peramabilis, aspice temet
 Filia, sponsa, soror nobis junctissima, quantum
 Interius niteas! quanta emicet ore venustas!
 Quae puro nivei cordis, mentisque colore
 Exsuperas longe candenti corpore cycnos!
 Candida eras tunc, cum manuum sublime mearum
 Perfectum exieras opus alta in mente repostum,

Lumen-

Vultumque & lumen, simileſque in imagine vires
 Ducebas; cum te affinem mihi, Sponſa, crearam,
 Diſ aequam, interius purae adflans lucis honores,
 Et ſanctos decori miſcens, & amoribus ignes.
 At nunc oh quantum reſdis ad me illuſterior, & quam
 Pulchrior. effulgeſ! cum te mea gloria cingat
 Fulgore, inſinuans pervadat, & intima luſtret;
 Atque coruſcantem lucem undique, & ūndique lucem
 Ditatam meritis, donis, ac dotibus auſtam
 Virtutum vario te circumſepit amiſtu
 Et rigido argento, atque auro ſaturo intertexto.
 Ex aditu quicquid noſtri ſapientia pandit,
 Perſpicua & ſignata nota, ſolidoque adamante
 In te ſculpta lego dicta omnia, & omnia facta,
 Quaeque ferent monumenta, & tempora lapſa tulerunt
 Tecum. ſida manent, tecumque aeterna manebunt:
 Nec te ſobrietatſ frangi, & prudentia falli
 Neſcia, non umquam juſ deſeret incorruptum,
 Nec robur, mirā unanimet pierate ſororeſ.
 Intima naturae ſecreta, arcanaque Caeli
 Haſtenuſ abſtruſa, ac ſepteno condita ſigno
 En reſerata vides: fidei myſteria tecum,
 Divinaſ & opet, & ſacra aeraria habebis.
 Quid memorem tua vota mihi, deſponſaque caſta
 Connubia, amplexuſ caſtoſ, caſtiſſima tecum
 Oſcula ſuavia non taſto mage dulcia melle,
 Suavem dum ſpirat mage myrrha, ac lilio odorem
 Baſama vincentem, gratiſſima cinnama, cedroſ?
 Hic caeleſtiſ apet purum circumlego florem,
 Perque tui advolitantſ nativa roſaria vultuſ
 Deliciaſ inter redolentiſ, & ubera paſcor.

Dici-

Dicito, cara soror, quae sancto in corde voluptas,
Cui tot metiri cupidae, ac lustrare capaci
Tanta datum, dabiturque oculo tam pulcra tueri?
Dum tuus usque Deus, dum tu mea semper, & ultra
Dicêris, dum dicar, eroque in saecula, mensae
Aeternum dapibus satiabere, deque perenni
Fonte bibens vivo, pretioso impleberis auro.

Ludor? an has species sibi mens laetissima fingit?
Vel jucunda fidem narrantis fallit imago?
Me tamen usque adeo blande solantur amica
Somnia, ut allectus visu, dulcique theatro
Rerum, commovear, terraeque oblitus, ad astra
Lumina fixa tenens suspirem, ac vocibus instem:
O patria o Caelum o sedes dulcissima pacis,
Qua ter gaudet ovans humana pericula ridens,
Ore Dei compos fervetque & gaudia miscet
Sponsa suae secum repetens miracula formae,
Et regno, & solio, ac triplici illustrata corona,
Quando erit, ut calidi pluma subvectus amoris
Te subeam, deturque mihi absorbere profundo
Pectore, qui fonte ex illo aeternum fluit ignis,
Luminibusque tueri avidis quodcumque bonorum est?

Talia fatidico referabat carmine Vates
LOYSIUS veri Vates, cui lactea fandi
In morem pluviae, puroque simillima rivo
Copia, tempestas cui defluit aurea verbis,
Pectoris ex adyto cui decedit irriguus fons
Ubere doctrinae pressus caelestis utroque:
Irati quibus ille animi mulcere procellas
Possit, & obscurae depellere nubila menti.
Nec mora: praedulci correptus turbine rerum

Lacti-

Laetitia miscet lacrymas, suspiria miscet,
 Terreni populus penitusque oblitus amoris
 Caelesti flagrat studio, caelestia anhelat,
 Et captus sermone, tenet, fruiturque loquentis,
 Supplicat, exultat, gemit, attremit, obstupet, ardet,
 Destruit, aedificat, divellit, & inserit unâ.
 Ad nova plauserunt de Caelo insomnia turbae,
 Plauserunt Proceres, & adhuc sub pectore servant
 Dulces verborum sonitus, & gaudia pascunt:
 Quin Caelum manifesta dedit laetissima signa;
 Spargere Sol visus radios meliore capillo,
 Omine ceu dextro referata oracula firmans;
 Et Pater omnipotens laeva de parte serenum
 Intonuit, purumque effulgens risit Olympus
 Sacrum testatus Vatem divina sonantem,
 Ut populi audirent Thufci, sordesque vetustas
 Purgantes, veniam expeterent, atque omina lucis
 Acciperent; tacti & gemitu, cordisque dolore
 Sincero Superis progignere grata valerent
 Germina honestatis, fructusque referre salutis.

Has inter Vatis voces, Caelique fragores
 Abditus herbofo caput antro crexerat Arnus,
 Terque gravi assensu quatiens, & murmure laeto,
 Terque iterum mergens cursu dedit ire sonoro
 Spumeus, & motas adspergine miscuit undas.



Z 307 - 1

